

B R E S S I A.

minor, antequam in illum reponatur, quod fit
apud Lugdunum :

*Excipit hinc Narbo, qua litora plana remordens,
Mitis Arar Rhodanas molliter intrat aquas.*

Tanta fluit lenitate, ut oculis, in utram partem eat, judicari nequeat. Silius lib. 15,

Quorum serpit Arar per rura pigerrimus undæ.

Dicimus etiam Araris in recto casu. Claud.
Quos Rhodanus velox, Araris quos tardior ambit. Ex Burgundia, & Lotharingiæ confinibus ortus Verdunum adit, hinc Tornum & Matisonem prætervehitur, inde Thoissey, Belle-ville, Villem Francam, Trevousium, usque dum Lugdunum secans Rhodano miscetur.

Vt vero fines Bressiæ terminant Araris & Rhodanus, ita medianum intercurrunt fluvii plures minores, vel Arari vel Rhodano excepti. Ad Occidentem quippe in Ararim exit Resouza prætergressus urbem Pont de Vaux. Non longe à Matisonne Renon, Trance, Veyle, confuso alveo eodem Arari absorbentur. Apud Thoissey oppidum Saonam subit Chalarine fluvius. In Rhodanum vero Dainius, vulgo d' Ain, exit è regione oppidi Anton, qui medianum fere quaquaversum interluit. Metropolis totius regionis est Burgum, vulgo Bourg en Bresse, ad differentiam Burgi Pontii Leontii, vulgo Bourg sur mer, ad confluentem Ellæ in Garumnam. Vrbs est ampla satis, lautaq; , & populosa, prope quam tempulum est sepulchris ducum Sabaudiæ clarum. Loco jacet palustri sed fœcundo, ad ortum Iuræ montis, & molli clivo descendentes amœnissimos colles vitibus consitos habet. Oppida minora plurima habet; Pont de Vaux, S. Iulien, Pont de Villiers, Montalier, Trevoult, Loyer, S. Comitatus. Rambert, aliaque. Comitatus in ea insigniores,

*Fluvii Medi-
terranei
Bressiæ
intercur-
rentes.*

*Bourg me-
tropolis.*

Comitatus Varax, Montreuil, Pont le Vaux, Basgey. Ulrichus Basgei Comes & Bressiæ dominus filiam reliquit unicam, & hæredem Sibyllam, quam cum uxorem duxisset Amedæus IV, Sabaudiæ Comes VIII, Comitatum Basgæensem, totamq; Bressiam suæ fecit ditionis. Anno demum c 10 10 c 1 regno Galliæ accessit, à Rege Henrico IV primum armis occupata, dein à Duke Sabaudiæ pro Salaciæ principatu tradita. Ut autem pateat, quæ loca Sabaudus Regi Galliæ tradiderit: ipsas conditiones attexam. Pacta (inquit Thuanus) hujusmodi fuerunt, ut omnis intra Rhodanum à Geneva urbe tractus, ipso fluvio comprehenso, ad ditionem Francicam, cum omni jure supremi dominii, deinceps pertineat. Tantum pro transitus in Sequanos commoditate pons Cresini, inter Clusuras & Arbiæ pontem, cum designatis aliquot pagis Sabaudo reservatus, ea lege ut nullum vettigal imponeare, aut toto illo tractu ullum propugnaculum exstruere possit. Burgi arx bona fide Regi tradiatur, cum tormentis & omni bellico apparatu & annona. Trans Rhodanum præterea Seisselium, Daira, Chauffium, Arlæ-pons, Chava, Castellū cum omni jurisdictione sua Regi cedant. Præterea Gexensis præfectura cum omni territorio ac pleno jure, sicuti iis Sabaudi deceſſores usi ac fruiti sunt, &c. Cæli ac aeris calor non sollet ibi esse tam ingens, quam in Delphinatu, nec frigus tam vehemens, quam in inferiori Germania, ubi flumina congelari solent. Solum fertile est & fœcundum. Abundat enim uvis, tritico, pisis, rapis, caulibus, fæsolis, nec non hordeo, fœno & avena, aliisque frugibus. Ad latus Orientale Bressanensis territorii conspicuus est Comitatus Genevensis, cui nomen à Geneva, urbe miræ antiquitatis. De qua vide Tabulæ subsequentis descriptionem.

Aeris tem-

